

Newspaper	SelangorKini
Date	1 April 2016



Deklarasi Rakyat capai sasaran lebih awal

SelangorKini - 1/4/2016

SHAH ALAM - Mantan Perdana Menteri, Tun Dr Mahahir Mohamad yakin Deklarasi Rakyat mencapai sasaran lebih awal melalui satu juta tandatangan sebelum akhir tahun ini.

"Kita sasarkan sehingga akhir tahun, tetapi saya rasa kita mampu mencapai lebih awal.

"Bagaimanapun kita menggerakkan kempen untuk terus mendapatkan sokongan rakyat," katanya dalam sidang media di Pusat Konvensyen Shah Alam (SACC) di sini, 27 Mac lalu.

Deklarasi Rakyat dimeterai antara pelbagai pihak termasuk Pakatan dalam usaha menyingkirkan pentadbiran kerajaan diterajui Perdana Menteri, Datuk Seri Mohd Najib Razak yang didakwa melakukan pelbagai peryalahgunaan kuasa dan kemerosotan ekonomi.

Ketika ini, katanya, usaha terbabit berterusan dan tidak mengecewakan dengan lebih 100,000 sudah dicapai dengan capaian menggalakkan menerusi dalam talian serta manual.

Malah, beliau berkata, petanda jelas dalam kalangan ahli Umno tertentu turut menyatakan sokongan terhadap usaha berkenaan.

"Kita akan adakan urus setia untuk menyelarasi segala gerakan dan pada masa sama pelbagai pihak lain akan menggerakkan usaha secara bebas sehingga Najib meletakkan jawatan sebagai Perdana Menteri.

"Kita perlu mendapatkan sokongan rakyat menerusi deklarasi ini untuk dimajukan kepada DYMM Yang Dipertuan Agong, tetapi sedar ada antara pihak tertentu masih takut untuk menyatakan sokongan," katanya.